

四庫全書

集部

欽定四庫全書

集部

御定全唐詩卷二十七至二十九

詳校官庶吉士臣胡 鈺

主事銜臣徐以坤覆勘

總校官知縣臣繆 琪

校對官編修臣楊世綸

謄錄監生臣王增聞

欽定四庫全書

御定全唐詩卷二十七

雜曲歌辭

隋自開皇初置七部樂一曰西涼伎二曰清商伎三曰高麗伎四曰天竺伎五

曰安國伎六曰龜茲伎七曰文康伎至大業中乃立清樂西涼龜茲天竺康國疎勒安國高麗禮畢

以為九部唐武德初因隋舊制用九部樂太宗增高昌樂又造燕樂而去禮畢其著令者十部一曰

燕樂二曰清商三曰西涼四曰天竺五曰高麗六曰龜茲七曰安國八曰疎勒九曰高昌十曰康國

而總謂之燕樂凡燕樂諸曲始於武德貞觀盛於開元天寶其著錄者十四調二百二十二曲又有

梨園別教院法歌樂十一曲雲韶樂二十曲肅代以降亦有因造

遼東行

王建

遼東萬里遼水曲古戍無城復無屋黃雲蓋地雪作山
不惜黃金買衣服戰回各自收弓箭正西回面家鄉遠
年年郡縣送征人將與遼東作丘坂寧為草木鄉中生
有身不向遼東行

渡遼水

王建

渡遼水此去咸陽五千里來時父母知隔生重著衣裳
如送死亦有白骨歸咸陽營家各與題本鄉身在應無

回渡

一作渡連

日駐馬相看遼水傍

昔昔鹽

趙嘏二十章羽調曲

隋薛道衡有昔昔鹽嘏廣之為唐亦為舞曲昔一作析

垂柳覆金堤

新年垂柳色嫋嫋對空閨不畏芳菲好自緣離別嘯因風飄玉戶向日暎金堤驛使何時度還將贈隴西

薜蘿葉復齊

提筐紅葉下度日采薜蘿掬翠香盈袖看花憶故夫葉齊誰復見風暖恨偏孤一被春光累容顏與昔殊

水溢芙蓉沼

淥沼春光後，青青草色濃。
綺羅驚翡翠，暗粉妬芙蓉。
雲遍窗前見，荷翻鏡裏逢。
將心託流水，終日渺無從。

花飛桃李蹊

遠期難可託，桃李自依依。
花徑無客跡，戎裘未下機。
隨風開又落，度日掃還飛。
欲折枝枝贈，那知歸不歸。

采桑秦氏女

南陌采桑出，誰知妾姓秦。
獨憐傾國貌，不負早鶯春。
珠

履溫花濕龍鉤折桂新使君那駐馬自有侍中人

織錦實家妻

當年誰不羨分作實家妻錦字行行苦羅帷日日號豈知登隴遠祇恨下機迷直候陽關使殷勤寄海西

關山別蕩子

那堪聞蕩子迢遞涉關山腸為馬嘶斷衣從淚滴斑愁看塞上路詎惜鏡中顏儻見征西雁應傳一字還

風月守空閨

良人猶遠戍耿耿夜闌空繡戶流宵月羅帷坐曉

集作晚

風魂飛沙帳北腸斷玉關中尚自無消息錦衾那得同

恒歛千金笑

玉顏恒自歛羞出鏡臺前早惑陽城客今悲華錦筵從
軍人更遠投喜鵲空傳夫婿交河北迢迢路幾千

長垂雙玉唬

雙雙紅淚墮度日暗中唬鴈出居延北人猶遼海西向
燈垂玉枕對月灑金閨不惜羅衣濕惟愁歸意迷

蟠龍隨鏡隱

鸞鏡無由照蛾眉豈忍看不知愁髮換空見隱龍蟠那
慙紅顏改偏傷白日殘今朝窺玉匣雙淚落闌干

綵鳳逐帷低

巧繡雙飛鳳朝朝伴下帷春花那見照暮色已頻欺欲
卷思君處將曉衰淚時何年征戍客傳語報佳期

驚魂同夜鵲

萬里無人見衆情難與論思君常入夢同鵲屢驚魂孤

寢紅羅帳雙唬玉筋痕妾心甘自保豈復暫忘恩

倦寢聽晨雞

去去邊城騎愁眠掩夜閨披衣窺落月拭淚待鳴雞不
憤連年別那堪長夜唬功成應自恨早晚發遼西

暗牖懸蛛網

暗中蛛網織歷亂綺窗前萬里終無信一條徒自懸分
從珠露滴愁見隙風牽妾意何聊賴看看劇斷絃

空梁落燕泥

春至今朝燕花時伴獨嘯飛斜珠箔隔語近畫梁低帷
卷閒窺戶牀空暗落泥誰能長對此雙去復雙棲

前年過代北

代北幾千里前年又復經燕山雲自合胡塞草應青鐵
馬喧聲鼓蛾眉怨錦屏不知羌笛曲掩淚若為聽

今歲往遼西

萬里飛書至聞君已渡遼祇諳新別苦忘卻舊時嬌烽
戍年將老紅顏日向彫胡沙兼漢苑相望幾迢迢

一去無還意

良人征絕域一去不言還
百戰攻邊虜三冬阻玉關
蕭蕭邊馬思獵獵戍旗閒
獨把千重恨連年未解顏

那能惜馬蹏

雲中路杳杳江畔草萋萋
妾久垂珠淚君何惜馬蹏
邊風悲曉角營月怨春聲
未道休征戰愁眉又復低

水調歌第一

水調商調曲也唐曲凡十一疊前五疊為歌後六疊為入破又有新

水調亦商調曲

平沙落日大荒西隴上明星高復低孤山幾處看烽火

壯

一作戰

士連營候鼓鼙

第二

猛將關西意氣多能騎駿馬弄琱戈金鞍寶鉸精神出
笛倚新翻水調歌

第三

王孫別上綠珠輪不羨名公樂此身戶外碧潭春洗馬
樓前紅燭夜迎人

第四

隴頭一段氣長秋舉目蕭條總是愁祇為征人多下淚
年年添作斷腸流

第五

雙帶仍分影同心巧結香不應須換彩意欲媚濃妝

入破第一

細草河邊一鴈飛黃龍關裏挂戎衣為受明王恩寵甚
從事經年不復歸

第二

錦城絲管日紛紛半入江風半入雲此曲只應天上有
人間能得幾回聞

第三

昨夜遙歡出建章今朝綴賞度昭陽傳聲莫閉黃金屋
為報先開白玉堂

第四

日晚笳聲咽戍樓隴雲漫漫水東流行人萬里向西去

滿目關山空

一作無恨一作愁

第五

千年一遇聖明朝願對君王舞細腰乍可當熊任生死

誰能伴鳳上

一作雲霄

第六徹

閨燭無人影羅屏有夢魂近來音耗絕終日望君門

水調

吳融

鑿河千里走黃沙浮

集作沙

殿西來動日華可道新聲是

亡國且貪惆悵後庭花

堂堂

李義府堂堂角調曲本
陳後主所作唐為法曲

鏤月成歌扇裁雲作舞衣
自憐回雪影好取洛川歸
嬾正鴛鴦被羞塞瑤牀
春風別有意密處也尋香

同前

李賀

堂堂復堂堂紅脫梅灰

集作花

香

一作紅熟
海梅香

十年粉蠹生

畫梁飢蟲不食推碎黃蕙花
已老桃葉長禁院懸簾隔

御光華清源中畧石湯
裴回百

一作白

鳳隨君王

涼州歌第一

涼州宮調曲開元中西涼府都督郭知運進本在正宮調中有大遍

小遍至貞元初康崑崙翻入琵琶玉宸宮調初進曲在玉宸殿故有此名合諸樂即黃鍾宮調

也段和尚善琵琶自制西涼州後傳康崑崙即道調涼州亦謂之新涼州

漢家宮裏柳如絲上苑桃花連碧池聖壽已傳千歲酒

天文更賞百僚詩

第二

朔風吹葉鴈門秋萬里煙塵昏戍樓征馬長思青海北
胡笳夜聽隴山頭

第三

開篋淚霑襦見君前日書夜臺空寂寞猶見

一作是

紫雲

車

排遍第一

三秋陌上早霜飛羽獵平田淺草齊錦背蒼鷹初出按
五花驄馬餵來肥

第二

鴛鴦殿裏笙歌起翡翠樓前出舞人喚上紫微三五夕

聖明方壽一千春

涼州詞

耿緯

國使翩翩

集作翻翻

隨旆旌隴西岐路足荒城氈裘牧馬胡

維小日暮蕃歌三兩聲

同前

張籍

邊城暮雨鴈飛低蘆筍初生漸欲齊
無數鈴聲遙過磧
應馱白練到安西

古鎮城門白磧開胡兵往往傍沙堆
巡邊使客行應早

每待

集作問

平安火到

集作無使

來

鳳林關裏水東流
白草黃榆六十秋
邊將皆承主恩澤
無人解道取涼州

同前

薛逢

昨夜蕃兵報國讐
沙州都護破涼州
黃河九曲今歸漢
塞外縱橫戰血流

太和第一

太和羽調曲也

國門卿相舊山莊
聖主移來宴綠芳
簾外輾為車馬路

花間踏出舞人場

第二

國鳥尚含天樂轉
寒風猶帶御衣香
為報碧潭明月夜
會須留賞待君王

第三

庭前鵲遶相思樹
井上鶯歌爭刺桐
含情少婦悲春草
多是良人學轉蓬

第四

塞北江南共一家何須淚落怨黃沙
春酒半酣千日醉
庭前一作邊庭還有落梅花

第五徹

我皇膺運太平年四海朝宗會百川
自古幾多明聖主
不如今帝勝堯天

伊州歌第一

伊州商調曲西涼節度蓋嘉運所進

秋風明月獨離居
蕩子從戎十載餘
征人去日殷勤屬
歸鴈來時數寄書

第二

彤闥曉關萬鞍迴玉輅春遊薄晚開渭北清光搖草樹
州南嘉景入樓臺

第三

聞道黃花戍頻年不解兵可憐閨裏月偏照漢家營

第四

千里東歸客無心憶舊遊挂帆游白水高枕到青州

第五

桂殿江烏對彫屏
海燕重祗應多釀酒
醉罷樂高鐘

入破第一

千門今夜曉初晴
萬里天河徹帝京
璨璨繁星駕秋色
稜稜霜氣韻鐘聲

第二

長安二月柳依依
西出流沙路漸微
闕氏山上春光少
相府庭邊驛使稀

第三

三秋大漠冷溪山八月嚴霜變草顏
卷旆風行宵渡磧銜枚電掃曉應還

第四

行樂三陽早芳菲二月春
閨中紅粉態陌上看花人

第五

君住孤山下煙深夜徑長
轅門渡綠水遊苑遠垂楊

陸州歌第一

分野中峰變陰晴衆壑殊
欲投人處宿隔浦問樵夫

第二

共得煙霞徑東歸山水遊蕭蕭望林夜寂寂坐中秋

第三

香氣傳空滿妝花映薄紅歌聲天仗外舞態御樓中

排遍第一

樹發花如錦鶯囀柳若絲更逢歡宴地愁見別離時

第二

明月照秋葉西風響夜砧彊言徒自亂往事不堪尋

第三

坐對銀缸曉停留玉筋痕君門常不見無處謝前恩

第四

曙月當窗滿征人出塞遙畫樓終日閉清

一作絲

管為誰

調

簇拍陸州

西去輪臺萬里餘故鄉音耗日應疎隴山鸚鵡能言語
為報閨人數寄書

石州

商調曲也又有舞石州

自從君去遠
巡邊終日羅幃獨自眠
看花情轉切
攬鏡淚如泉
一自離君後
唬多雙臉穿
何時烽火息
免得更留連

蓋羅縫

秦時明月漢時關
萬里征人尚未還
但願龍庭神一作飛
將在不教胡馬渡陰山

音書杜絕白狼西
桃李無顏黃鳥唬
寒鴈春深歸去盡

出門腸斷草萋萋

雙帶子

私言切語誰人會
海燕雙飛繞畫梁
君學秋胡不相識
妾亦無心去采桑

崑崙子

揚子譚經去淮王
載酒過醉來
唬鳥喚一作換
坐久落花多

袞曲

漢宮三月上巳張樂於流水晉宋已後皆因之至唐傳以為曲

昨見春條綠那知秋葉黃
蟬聲猶未斷寒一作塞鴈已成行

金谷園中柳春來已一作自舞腰那堪好風景獨上洛

陽橋

何處堪愁思花間長樂宮
君王不重客泣淚向春一作東

風

上巳樂 張祜

猩猩血綵繫頭標天上齊聲舉畫撓
卻是內人爭意切

六宮羅

集作紅

袖一時招

穆護砂

穆護砂曲犯角

玉管朝朝弄清歌日日新折花當驛路寄與隴頭人

思歸樂

商調曲也後一曲犯角

晚日催絃管春風入綺羅杏花如有意偏落舞衫多
萬里春應盡三江鴈亦稀連天漢水廣孤客未言歸

金殿樂

入夜秋砧動千門起四鄰不緣樓上月應為隴頭人

胡渭州

商調
曲

亭亭孤月照行舟
寂寂長江萬里流
鄉國不知何處是
雲山漫漫使人愁

楊柳千尋色桃花一苑芳
風吹入簾裏惟有惹衣香

戎渾

風勁角弓鳴將軍獵渭城
草枯鷹眼疾雪盡馬蹏輕

牆頭花

蟋蟀鳴洞房梧桐落金井
為君裁舞衣天寒剪刀冷

妾有羅衣裳秦王在時作為舞春風多秋來不堪著

采桑

羽調曲一云本清商西曲又有楊下米桑

自古多征戰由來尚甲兵長驅千里去一舉兩蕃平按劍從沙漠歌謠滿帝京寄言天下將須立武功名

楊下採桑

飛絲惹綠塵軟葉對孤輪今朝入園去物色彊看人

破陣樂

本商調舞曲太宗所造明皇作小破陣樂亦舞曲也第一曲失撰人名後二曲

張說作

秋來四面足風沙
塞外征人暫別家
千里不辭行路遠
時光早晚到天涯

漢兵出頓金微照日明光

集作光明

鐵衣百里火幡焰焰千

行雲騎駢駢

集作霏霏

蹙踏遼河自竭鼓噪燕山可飛正屬

四方朝賀端知萬舞皇威

少年膽氣凌雲共許驍雄出羣匹馬城南

集作西

挑戰單

刀薊北從軍一鼓鮮卑送款五餌單于解紛誓欲成名

報國羞將開口

集作閣

論勲

戰勝樂

百戰得功名天兵意氣生三邊永不戰此是我皇英

劍南臣

不分君恩斷觀妝視鏡中容華尚春日嬌愛已秋風枕
席臨窗曉屏帷對月空年年後庭樹芳悴在深宮

征步郎

塞外虜塵飛頻年度磧西死生隨玉劍辛苦向金微

歡疆場

宮詞
曲

聞道行人至妝梳對鏡臺淚痕猶尚在笑靨自然開

塞姑

昨日盧梅塞口整見諸人鎮守都護三年不歸折盡江
邊楊柳

水鼓子

雕弓白羽獵初回薄夜牛羊復下來夢水河邊秋草合
黑山峰外陣雲開

婆羅門

商調曲開元中西涼府節度揚敬
述進天寶十三年改為霓裳羽衣

迴樂峰前沙似雪
受降城外月如霜
不知何處吹蘆管
一夜征人盡望鄉

浣沙女

南陌春風早東鄰
去日斜千花開瑞錦
香撲美人車
長樂青門外宜春
小苑東樓開萬戶
上人向百花中

鎮西

天邊物色更無春
祇有羊羣與馬羣
誰家營裏吹羌笛
哀怨教人不忍聞

歲去年來拜聖朝更無山闕對溪橋
九門楊柳渾無半猶自千條與萬條

回紇

商調曲

曾聞瀚海使難通幽閨少婦罷裁縫
緬想邊庭征戰苦誰能對鏡治愁容
久戍人將老須臾變作白頭翁

長命女

羽調曲

雲送關西雨風傳渭北秋
孤燈然客夢寒杵擣鄉愁

醉公子

昨日春園飲今朝倒接羅誰人扶上馬不省下樓時

一片子

柳色青山映梨花雪鳥藏綠窗桃李下閒坐歎春芳

甘州

羽調
曲

欲使傳消息空書意不任寄君明月鏡偏照故人心

濮陽女

羽調
曲

鴈來書不至月照獨眠房賤妾多愁思不堪秋夜長

相府蓮

王儉為相所辟皆才名之士時號蓮幕
其後語訛為想夫憐羽調曲又有簇拍

蓮相府

夜聞鄰婦泣切切有餘哀即問緣何事征人戰未

一作骨

迴

簇拍相府蓮

莫以今時寵寧無舊日恩看花滿眼淚不共楚王言閨
燭無人影羅屏有夢魂近來音耗絕終日望應門

離別難

武后朝有士人陷冤獄其妻配入掖庭善吹簫栗撰此曲以寄情初名大郎神

蓋取良人第行也既畏人知遂三易其名曰悲切子終號愁回鵲

此別難重陳花深復變人來時梅覆雪去日柳含春物
候催行客歸途淑氣新剡川今已遠魂夢暗相親

同前

白居易

綠楊陌上送行人馬去車回一望塵不覺別時紅淚盡
歸來無淚可霑巾

山鷓鴣

羽調曲

玉關征戍久空閨人獨愁寒露溼青苔別來蓬鬢秋
人坐青樓晚鶯語百花時愁多人自老腸斷君不知

鷓鴣詞

李益

湘江斑竹枝，錦翼鷓鴣飛。處處湘陰合，郎從何處歸。

同前

李涉

湘江煙水深，沙岸隔楓林。何處鷓鴣飛，日斜斑竹陰。二

女虛

集作空

垂淚三閭柱，自沈惟有鷓鴣鳥。獨傷行客心。

越岡連越井，越鳥更南飛。何處鷓鴣啼，夕煙東嶺歸。嶺

頭

集作外

行人少，天涯北客稀。鷓鴣啼別處，相對淚霑衣。

樂世

白居易

工進曲德宗令錄出要者因以為名後語

訛為綠腰軟舞曲也康崑崙嘗於琵琶彈一曲即新翻羽調綠腰又有急樂

管急絲

集作絃

繁拍漸稠綠腰宛轉曲終頭誠知樂世聲

聲樂老病人聽未免愁

急世樂

白居易

正抽碧線繡紅羅忽聽黃鶯歛翠蛾秋思冬愁春恨

集作

悵望大都不得意時多

何滿子

白居易此曲以贖死竟不得免亦舞曲也開元中滄州歌者臨刑進

世傳滿子是人名臨就刑時曲始成一曲四詞

集作調

歌

八疊從頭便是斷腸聲

同前 薛逢

繫馬宮槐老持杯店菊黃故交今不見流恨滿川光

清平調

李白

唐禮樂志曰清調平調房中樂遺聲開元中禁中重木芍藥會花方繁

開帝乘照夜白太真妃以步輦從李龜年以歌擅一時之名帝曰賞名花對妃子焉用舊樂辭為遂命白作清平調詞三章令梨園弟子畧撫絲竹以促歌帝自調玉笛以倚曲

雲想衣裳花想容春風拂檻露華濃若非羣玉山頭見
會向瑤臺月下逢

一枝紅

集作濃

豔露凝香雲雨巫山枉斷腸借問漢宮誰

得似可憐飛燕倚新妝

名花傾國兩相歡長得君王帶笑看
解釋春風無限恨
沈香亭北倚闌干

回波樂

李景伯

高調曲蓋出於曲水引流泛觴中宗宴侍臣令各為回波樂衆皆為

諂佞之辭及自要榮位次至諫議大夫李景伯乃歌此辭後亦為舞曲

回波爾持酒卮微臣職在箴規
侍宴既過三爵喧譁竊

恐非儀

聖明樂

張仲素 開元中太常樂工馬順
兒造又有大聖明樂並商調曲

玉帛殊方至歌鍾比屋聞
華夷今一貫同賀聖明君
九陌祥煙合千春瑞月明
宮花將苑柳先發鳳皇城

同前

令狐楚

海浪恬丹徼邊塵靖黑山
從今萬里外不復鎮蕭關

大酺樂

商調曲

淚滴珠難盡容殘玉易銷
儻隨明月去莫道夢魂遙

同前

杜審言

聖后乘乾日皇明御歷辰紫宮初啟坐蒼壁正臨春雷
雨垂膏澤金錢賜下人詔酺歡賞徧交泰覩惟新

毘陵震澤九州通士女歡娛萬國同伐鼓撞鐘驚海上

新妝袿服照江東梅花落處疑殘雪柳葉開時任好風

大集作火德不集作雲官逢道泰天長地久屬年豐

同前張祐

車駕東來值太平大酺三日洛陽城小兒一伎竿頭絕
天下傳呼萬歲聲

紫陌酺歸日欲斜紅塵開路薛王家雙鬟前

集作笑

說樓

前鼓兩伎爭輪好結花

千秋樂

張祐開元十七年八月癸亥明皇誕日宴百僚於花萼樓下百僚表請以每

年八月五日為千秋節

八月平時花萼樓萬方同樂奏千秋傾城人看長竿出一伎初成趙解愁

火鳳辭

李百藥羽調曲又有真火鳳

歌聲扇裏

集作後

出妝影扇

集作鏡

中輕未能令掩笑何處

欲鄣聲知音自不惑得念是分明莫見雙嚙歛疑人含
笑情

佳人靚晚妝清唱動蘭房影入

集作出

含風扇聲飛照日

梁嬌嚙着際歛逸韻口中香自有橫陳分

集作會

應憐秋

夜長

熱戲樂

張祐凡戲輒分兩朋以競勇謂之熱戲

熱戲爭心劇火燒銅槌暗執不相饒上皇失喜寧王笑
百尺幢竿果動搖

春鶯囀

張祐 大春鶯囀又有
小春鶯囀並商調曲

興慶池南柳未開
太真先把一枝梅
內人已唱春鶯囀
花下傞傞軟舞來

達摩支

溫庭筠 天寶十三載改達摩支
為泛蘭叢羽調曲一曰健舞曲也

擣麝成塵香不滅
拗蓮作寸絲
難絕紅淚文姬洛水春
白頭蘇武天山雪
君不見無愁高緯花漫漫
漳浦宴餘清露寒
一旦臣僚共囚虜
欲吹羌管先沈瀾
舊臣頭鬢霜華一作雪
早可惜雄心醉中老
萬古春歸夢不歸
鄴城

風雨連天草

如意娘

商調曲則
天皇后作

看朱成碧思紛紛
憔悴支離為憶君
不信比來長下淚
開箱驗取石榴裙

雨霖鈴

張祐

明皇幸蜀南入斜谷屬霖雨彌旬於棧道中聞鈴聲與山相應因采其

聲為雨霖鈴曲時獨梨園善感栗工張徽從至蜀以其曲授之後入法部

雨霖鈴夜卻歸秦猶是

集作見

張徽一曲新長說上皇垂

淚教月明南內更無人

桂花曲

可憐天上桂花孤
試問姮娥更要無
月宮幸有閒田地
何不中央種兩株

渭城曲

王維 渭城一曰陽關本送人使安西詩後遂被於歌

渭城朝雨浥輕塵
客舍青青柳色新
集作楊柳春勸君更盡一
杯酒西出陽關無故人

御定全唐詩卷二十七

欽定四庫全書

御定全唐詩卷二十八

雜曲歌辭

竹枝

顧況竹枝本出於巴渝唐貞元中劉禹錫在沅湘以俚歌鄙陋乃依騷人九歌作

竹枝新辭九章教里中兒歌之由是盛於貞元元和之間其音協黃鍾羽末如吳聲含思宛轉有淇濮之豔

帝子蒼梧不復歸
洞庭葉下荆雲飛
巴人夜唱竹枝後
腸斷曉猿聲漸稀

同前 劉禹錫

白帝城頭春草生，白鹽山下蜀江清。
南人上來歌一曲，

北人莫上動鄉情。

山桃紅花滿上頭，蜀江春水拍江山。

一作山

流花紅易衰，似

郎意水流無限，似儂愁。

江上朱樓新雨晴，瀼西春水穀文生。
橋東橋西好楊柳，人來人去唱歌行。

日出三竿春霧消，江頭蜀客駐蘭橈。
憑寄狂夫書一紙，

住在成都萬里橋

兩岼山花似雪開家家春酒滿銀杯
昭君坊中多女伴
永安宮外踏青來

瞿塘嘈嘈十二灘此中

集作人言

道路古來難長恨人心不

如水等閒平地起波瀾

巫峽蒼蒼烟雨時清猿啼在最高枝
箇裏愁人腸自斷
由來不是此聲悲

城西門前滯瀕堆年年波浪不能摧

集作推

懊惱

集作恨

人

心不如石少時東去復西來

山上層層桃李花雲間烟火是人家銀釧金釵來負水
長刀短笠去燒畬

同前 劉禹錫

楊柳青青江水平聞郎江上唱歌聲東邊日出西邊雨

道是無情

一作晴還集作却

有情

一作晴

楚水巴山江雨多巴人能唱本鄉歌今朝北客思歸去

迴入紆那披綠蘿

同前 白居易

瞿塘峽口冷

集作水

烟低白帝城頭月向西唱到竹枝聲

咽處寒猿晴

集作聞

鳥一時啼

竹枝苦怨怨何人夜靜山空歇又聞蠻兒巴女齊聲唱
愁殺江樓病使君

巴東船舫上巴西波面風生雨脚齊水蓼冷花紅簇簇

江蘼溼葉碧萋萋

集作淒淒

江畔誰人唱竹枝前聲斷咽後聲遲怪來調苦緣詞苦

多是通州司馬詩

同前

李涉

荆門灘急水潺潺兩岼猿啼烟滿山渡頭年少

一作少年

應

官去月落西陵望不還

巫峽雲開神女祠綠潭紅樹影參差下牢戍口初相問
無義灘頭剝別離

石鐸千重樹萬重白雲斜掩碧芙蓉昭君溪上年年月

獨自

集作
偏照

嬋娟色最濃

十二峰頭月欲低空濛

集作聆

江上子規啼孤舟一夜東

歸客泣向春

集作東

風憶建溪

同前

孫光憲

門前春水白蘋花
岼上無人小艇斜
商女經過江欲暮
散拋殘食飼神雅

亂繩千結絆人深
越羅萬丈表長尋
楊柳在身垂意緒
藕花落盡見蓮心

楊柳枝

白居易

楊柳枝者古題所謂折楊柳
本白居易洛中所製宣宗朝國樂唱是

辭帝問永豐在何處因取兩株
植於禁中居易又作辭一章

一樹春風萬萬枝嫩於金色軟於絲永豐西角荒園裏
盡日無人屬阿誰

一樹衰殘委泥土雙枝榮耀植天庭定知玄象今春後
柳宿光中添兩星

同前 白居易

六么水調家家唱白雪梅花處處吹
古歌舊曲君休聽
聽取新翻楊柳枝

陶令門前四五樹亞夫營裏百千條何似東都正二月
黃金枝映洛陽橋

依依嫋嫋復青青句引清

集作
春

風無限情白雪花繁空

撲地綠絲條弱不勝鶯

紅板江橋青酒旗館娃宮暖日斜時可憐雨歇東風定
萬樹千條各自垂

蘇州楊柳任君誇更有錢塘勝館娃若解多情尋小小
綠楊深處是蘇家

蘇家小女舊知名楊柳風前別有情
剝條盤作銀環樣
卷葉吹為玉笛聲

葉含濃露如啼眼
枝嫋輕風似舞腰
小樹不禁攀折苦
乞君留取兩三條

人言柳葉是愁眉
更有愁腸似柳絲
柳絲挽斷腸牽斷
彼此應無續得期

同前
盧貞

一樹依依在永豐
兩枝飛去杳無蹤
玉皇曾采人間曲

應逐歌聲入九重

同前

劉禹錫

塞北梅花羌笛吹
淮南桂樹小山詞
請君莫奏前朝曲
聽唱新翻楊柳枝

南陌東城春早時
相逢何處不依依
桃紅李白皆誇好
須得垂楊相發揮

鳳闕輕遮翡翠帷
龍墀遙望麴塵絲
御溝春水柳

集作相

暉映狂殺長安年少兒

金谷園中鶯亂飛銅駝陌上好風吹城東

集作中

桃李須

臾盡爭似垂楊無限時

花萼樓前初種時美人樓上鬪腰支

一作長

街裏露葉如啼欲恨誰

煬帝行宮汴水濱數株殘

集作枝

柳不勝春昨來風起

集作

晚花如雪飛入宮牆不見人

御陌青門拂地垂千條金縷萬條絲如今綰作同心結
將贈行人知不知

城外春風滿

集作吹

酒旗行人揮袂日西時長安陌上無

窮樹惟有垂楊管別離

輕盈嫋娜占春華舞榭妝樓處處遮春盡絮飛

集作花

留

不得隨風好去落誰家

同前

劉禹錫

楊子江頭烟景迷隋家宮樹拂金堤嵯峨猶有

集作是

當

時色半蘸波中水鳥棲

迎得春光先到來淺黃輕綠映樓臺只緣嫋娜多情思

便被春風長請按

集作
倩猜

巫峽巫山楊柳多朝雲暮雨遠相和因想陽臺無限事

為君迴唱竹

集作
柳

枝歌

同前

李商隱

暫憑樽酒送無憀莫損愁眉與細腰人世死前惟有別
春風爭擬惜長條

含烟惹霧每依依萬緒千條拂落暉為報行人休盡折
半留相送半迎歸

同前 韓琮

梁苑隋堤事已空
萬條猶舞舊春風
那堪更想千年後
誰見楊花入漢宮

同前 施肩吾

傷見路傍 集作邊 楊柳春
一枝折盡一重新
今年還折去

年處不送去年離別人

同前 溫庭筠

宜春苑外最長條
閒嫋春風伴舞腰
正是玉人腸斷處

一渠春水赤欄橋

南內牆東御路傍
預知春色柳絲黃
杏花未肯無情思
何事情人最斷腸

蘇小門前柳萬條
毵毵金線拂平橋
黃鶯不語東風起
深閉朱門伴細腰

金縷毵毵碧瓦溝
六宮眉黛惹春愁
晚來更帶龍池雨
半拂欄干半入樓

館娃宮外鄴城西
遠映征帆近拂堤
繫得王孫歸意切

不關春草綠萋萋

兩兩黃鸝色似金
嫋枝啼露動芳音
春來幸自長如線
可惜牽纏蕩子心

御柳如絲映九重
鳳凰窗柱繡芙蓉
景陽樓畔千條露
一面新妝待曉鍾

織錦機邊鶯語頻
停梭垂淚憶征人
塞門三月猶蕭索
縱有垂楊未覺春

同前

皇甫松

春入行宮映翠微
玄宗侍女舞烟絲
如今柳向空城綠
玉笛何人更把吹

爛熳春歸水國時
吳王宮殿柳垂絲
黃鶯長叫空閨畔
西子無因更得知

同前

僧齊已

鳳樓高映綠陰陰
凝碧多含雨露深
莫謂一枝柔軟力
幾曾牽破別離心

館娃宮畔響廊前
依託吳王養翠烟
劍去國亡臺榭

集作

殿
毀却隨紅樹噪秋蟬

穠低似中陶潛酒軟極如傷宋玉風多謝將軍遠營種
翠中閒卓戰旗紅

高僧愛惜遮江寺遊子傷殘露野橋爭似著行垂上苑
碧桃紅杏對搖搖

同前
張祐

莫折宮前楊柳枝玄宗曾向笛中吹傷心日暮烟霞起
無限春愁生翠眉

凝碧池邊斂翠眉
景陽臺下綰青絲
那勝妃子朝元閣
玉手和烟弄一枝

同前

孫魴

靈和風暖太昌春
舞線搖絲向昔人
何似曉來江雨後
一行如畫隔遙津

彭澤初栽五樹時
只應閒看一枝枝
不知天意風流處
要與佳人學畫眉

暖傍離亭靜拂橋
入流穿檻綠搖搖
不知落日誰相送

魂斷千條與萬條

春來綠樹遍天涯
未見垂楊未可誇
晴日萬株烟一陣
閒坊兼是莫愁家

十首當年有舊詞
唱青歌翠幾無遺
未曾得向行人道
不為離情莫折伊

同前

薛能
乾符五年能為許州刺史令部
伎作楊柳枝健舞復賦其辭為新聲

華清高樹出離宮
南陌柔條帶暖風
誰見輕陰是良夜
瀑泉聲畔月明中

洛橋晴影覆江船
羌笛秋聲濕塞烟
閒想習池公宴罷
水蒲風絮夕陽天

嫩綠輕懸似綴旒
路人遙見隔宮樓
誰能更近丹墀種
解播皇風入九州

暖風晴日斷浮埃
廢路新條發釣臺
處處輕輕集作陰可
惆悵後人攀處古人裁

潭上江邊嫋嫋垂
日高風靜絮相隨
青樓一樹無人見
正是女郎眠覺時

汴水高懸百萬條
風清兩岫一時搖
隋家力盡虛栽得
無限春風屬聖朝

和花烟樹九重城
夾路春陰十萬營
惟向邊頭不堪望
一株顛顚少人行

窗外齊垂旭日初
樓邊輕好暖

集作暖好

風徐遊人莫道栽

無益桃李清陰却不如

衆木猶寒獨早青
御溝橋畔曲江亭
陶家舊日應如此
一院春條綠遶廳

帳偃纓垂細復繁令人心想石家園風條月影皆堪重
何事侯門愛樹萱

同前

薛能

數首新詞

集作詩

帶恨成柳絲牽我我傷情柔城幸有腰

支穩試踏吹聲作唱聲

高出軍營遠映橋賊兵曾斫火曾燒風流性在終難改
依舊春來萬萬條

縣依陶令想嫌迂營伴將軍即大廳此日與君除萬恨

數篇風調更應無

狂似纖腰軟勝綿自多情態更誰憐遊人不折還堪恨
拋向橋邊與路邊

朝陽晴照綠楊烟一別通波十七年應有舊枝無處覓
萬株風裏卓旌旃

晴垂芳態吐牙新雨擺輕條濕面春別有出牆高數尺
不知搖動是何人

暖梳簪朶事登樓因挂垂楊立地愁牽斷綠絲攀不得

半空懸著玉搔頭

西園高樹後庭根處處尋芳有折痕終憶舊遊桃葉舍

一株斜映竹籬門

劉白蘇臺總近時當初章句是誰推纖腰舞盡春楊柳
未有儂家一首詩

同前

牛嶠

解凍風來末上青解垂羅袖拜卿卿無端嫋娜臨官路
舞送行人過一生

吳王宮裏色偏深一簇纖條萬縷金不憤錢塘蘇小小

引郎枝

集作松

下結同心

橋北橋南千萬條恨伊張緒不相饒金羈白馬臨風望

認得羊家

一作娘

靜婉腰

狂雪隨風撲馬飛惹烟無力被風歌莫教移入靈和殿

宮女三千又妬伊

裊翠籠烟拂暖波舞裙新染麴塵羅章華臺畔隋堤上
倚得春風爾許多

同前 和凝

軟碧搖烟似送人
映花時把翠眉嚬
青青自是風流主
漫颺金絲待洛神

瑟瑟羅裙金縷腰
黛眉偎破未重描
醉來咬損新花子
拽住仙郎儘放嬌

鵲橋初就咽銀河
今夜仙郎自性和
不是昔年攀桂樹
豈能月裏索姮娥

同前 孫光憲

閭集作閭

門風暖落花乾飛遍江南雪不寒獨有晚來臨

水驛間人多凭赤闌干

有池有榭即濛濛浸潤翻成長養功恰似有人長點檢
著行排立向春風

根抵雖然傍濁河無妨終日近笙歌驂驂

集作
氈氈

金帶誰

堪比還笑黃鶯不較多

萬株枯槁怨亡隋似弔吳臺各自垂好是淮陰明月裏
酒樓橫笛不勝吹

浪淘沙

劉禹錫

九曲黃河萬里沙，浪淘風簸自天涯。
如今直上銀河去，同到牽牛織女家。

洛水橋邊春日斜，碧流輕

集作清

淺見瓊沙無端陌上狂。

風急驚起鴛鴦出浪花。

汴水東流虎眼文，清淮曉色鴨頭春。
君看渡口淘沙處，渡却人間多少人。

鸚鵡洲頭浪飈沙，青樓春望日將斜。
銜泥燕子爭歸舍。

獨自狂夫不憶家

濯錦江邊兩岼花春風吹浪正淘沙女郎剪下鴛鴦錦
將向中流匹晚霞

日照澄洲江霧開淘金

集作沙

女伴滿江隈美人首飾侯

王印盡是沙中浪底來

八月濤聲吼地來頭高數丈觸山迴須臾却入海門去
卷起沙堆似雪堆

莫道讒言如浪深莫言遷客似沙沉千淘萬漉雖辛苦

吹盡狂沙始到金

流水淘沙不暫停前波未減後波生令人忽憶瀟湘渚
迴唱迎神三兩聲

同前 白居易

一泊沙來一泊去一重浪減一重生相攪相淘無歇日
會教山海一時平

白浪茫茫與海連平沙浩浩四無邊暮去朝來淘不住
遂令東海變桑田

青草湖中萬里程
黃梅雨裏一人行
愁見灘頭夜泊處
風翻暗浪打船聲

借問江湖與海水
何似君情與妾心
相恨不如潮有信
相思始覺海非深

海底飛塵終有日
山頭化石豈無時
誰道小郎拋小婦
船頭一去沒迴期

隨波逐浪到天涯
遷客生還有幾家
却到帝鄉重富貴
請君莫忘浪淘沙

同前 皇甫松

灘頭細草接疎林
浪惡冒船半欲沈
宿鷺眠洲非舊浦
去年沙背是江心

蠻歌豆蔻北人愁
松雨蒲風夜艇秋
浪起鵝鵲眠不得
寒沙細細入江流

紇那曲 劉禹錫

楊柳鬱青青
竹枝無限情
同郎一回顧
聽唱紇那聲
踏曲興無窮
調同詞不同
願郎千萬壽
長作主人翁

瀟湘神二曲

劉禹錫

湘水流 湘水流 九疑雲物至今愁
君問二妃何處所 零陵香草露中秋

斑竹枝 斑竹枝 淚痕點點寄相思
楚客欲聽瑤瑟怨 瀟湘深夜月明時

拋毬樂

劉禹錫

五綵繡團團 登君玳瑁筵 最宜紅燭下
偏稱落花前 上客如先起 應須贈一船

春早見花枝朝朝恨發遲及看花落後却憶未開時幸
有拋毬樂一杯君莫辭

太平樂

白居易
商調曲也

歲豐仍節儉時泰更銷兵聖念長如此何憂不太平
湛露浮堯酒薰風起舜歌願同堯舜意所樂在人和

同前

王涯

風俗今和厚君王在穆清行看采花曲盡是太階平

同前

張仲素

聖德超千古皇威靜四方蒼生今息戰無事覺時長

集作

良

昇平樂

薛能商
調曲也

正

集作
瑞

氣遠宮樓皇居信上游遠岡延

集作
連

聖祚平地

載神州會合皆重譯潺湲近八流中興豈假問據此自
千秋

寥泚敞延英朝班立位橫宣傳無草動拜舞有衣聲鴛
瓦雲消濕蟲絲日照明辛勤自不到遙見似前生

集作
程

處處足歡聲

集作心

時康歲已深不同三尺劍應似五絃

琴壽笑山猶盡明嫌日有陰何當憐一物亦遣斷愁吟
曙質絕埃氛彤庭列禁軍聖顏初對日龍尾競緣雲珮
響交成韻簾陰暖帶紋逍遙豈有事於此詠南薰

一物周天至

一作至周天

洪纖盡晏然車書無異俗甲子竝

豐年奇技皆歸朴征夫亦服田君王故不有台鼎合韋

弦

一作賢

日日聽歌謠區中盡祝堯蟲蝗初不害夷狄近全銷史

筆惟書瑞天臺絕見祆因令匹夫志轉欲事清朝

品物盡昭蘇神功復帝謨他時應有壽當代且無虞賜
歷通遐俗移關入半胡鷦鷯一何幸於此寄微軀

無戰復無私堯時即此時焚香臨極早待月卷簾遲端
拱乾坤內何言薨續垂君看聖明驗只此是神龜

旭日上清宮明堂坐聖聰衣裳承瑞氣冠冕蓋重瞳花

木經宵露旌旗立

集作入

仗風何期於此地見說似仙

集作

是神宮

五帝三皇主蕭曹魏邴臣文章惟反朴戈甲盡生塵諫
紙應無用朝綱自有倫昇平不可紀所見是閒人

金縷衣

勸君莫惜金縷衣勸君惜取少年時花開堪折直須折
莫待無花空折枝

鳳歸雲

滕潛

金井欄邊見羽儀梧桐樹上宿寒枝五陵公子憐文綵
畫與佳人刺繡衣

飲啄蓬山最上頭，烟飛下禁城。
秋曾將弄玉歸雲去，金翹斜開十二樓。

拜新月

李端

開簾見新月，便即下階拜。
細語人不聞，北風吹裙帶。

同前

吉中孚妻張氏

拜新月，拜月出堂前。
暗魄深

集作初

籠桂虛弓未引弦，拜

新月，拜月妝樓上。
鸞鏡未

集作始

安臺蛾眉已相向，拜新

月，拜月不勝情。
庭前

集作花

風露清月臨人自老，望月更

集作人望月

長生東家阿母亦拜月一拜一悲聲斷絕昔年

拜月逞容儀

集作輝

如今拜月雙淚垂回看衆女拜新月

却憶紅閨年少時

憶江南

白居易一曰望江南本名謝秋娘李德裕鎮浙西為妾謝秋娘製

江南好風景舊曾諳日出江花紅勝火春來江水綠如

藍能不憶江南

江南憶最憶是杭州山寺月中尋桂子郡亭枕上看潮頭何日更重遊

江南憶其次憶吳宮吳酒一杯春竹葉吳娃雙舞醉芙蓉
早晚復相逢

同前

劉禹錫

春過也共惜艷陽年猶有桃花流水上無辭竹葉醉樽
前惟待見青天

春去也多謝洛城人弱柳從風疑舉袂叢蘭裊露似霑
巾獨笑亦含嚬

宮中調笑

王建
應詞商調曲也
亦謂之轉

團扇團扇美人病來遮面玉顏憔悴三年誰復商量管
絃絃管絃管春草昭陽路斷

胡蝶胡蝶飛上金花枝葉君前對舞春風百葉桃花樹
紅紅樹紅樹燕語鶯啼日暮

羅袖羅袖暗舞春風依舊遙看歌舞玉樓好日新妝坐
愁愁坐愁坐一世虛生虛過

楊柳楊柳日暮白沙渡口船頭江水茫茫商人少婦斷
腸腸斷腸斷鷓鴣夜飛失伴

同前

韋應物

胡馬胡馬遠放燕支山下
咆沙咆雪獨嘶東望西望路
迷迷路迷路邊草無窮日暮

河漢河漢曉挂秋城漫漫
愁人起望相思江南塞北別
離離別離別河漢雖同路絕

轉應詞

戴叔倫

邊草邊草邊草盡來兵老
山南山北雪晴千里萬里月
明明月明月胡笳一聲愁絕

宮中行樂詞

李白

小小生金屋，盈盈在紫微。
山花插寶髻，石竹繡羅衣。
每出深宮裏，常隨步輦歸。
只愁歌舞散，一作罷化作綵雲飛。

柳色黃金嫩，梨花白雪香。
玉樓巢一作開翡翠，金一作珠殿

鎖鴛鴦。
選妓隨雕一作朝輦，徵歌出洞房。
宮中誰第一，飛

燕在昭陽。

盧橘為秦樹，蒲萄出一作是漢宮。
烟花宜落日，絲管醉春

風。
笛奏龍鳴水，簫鳴鳳下空。
君王多樂事，何必向回中。

集作還與
萬方同

玉樹

一作殿

春歸日

一作好

金宮樂事多後庭朝未入輕輦

夜相過笑出花間語嬌來燭

集作竹

下歌莫教明月去留

著醉姮娥

繡戶香風暖紗窗曙色新宮花爭笑日池草暗生春綠

樹聞歌鳥青樓見舞人昭陽桃李月羅綺自

一作坐

相親

今日明光裏還須結伴遊春風開紫殿天樂下珠樓豔
舞全知巧嬌歌半欲羞更憐花月夜宮女笑藏鉤

寒雪梅中盡春風柳上歸宮鶯嬌欲醉簷燕語還飛遲
日明歌席新花豔舞衣晚來移綵仗行樂泥光輝
水綠南薰殿花紅北闕樓鶯歌聞太液鳳吹遶瀛洲素
女鳴珠佩天人弄綵毬今朝風日好宜入未央遊

宮中樂

令狐楚

楚塞金陵靜巴山玉壘空萬方無一事端拱大明宮
霜霽長楊苑冰開太液池宮中行樂日天下盛明時
柳色烟相似梨花雪不如春風真有意一一麗皇居

月上宮花靜烟含苑樹深銀臺門已閉仙漏夜沈沈
九重青鎖闥百尺碧雲樓明月秋風起珠簾上玉鉤

同前

張仲素

網戶交如綺紗窗薄似烟樂吹天上曲人是月中仙
翠匣開寒鏡珠釵挂步搖妝成祗畏曉更漏促春宵

江

集作紅

果瑤池寶金盤露井冰甘泉將避暑臺殿曉光

凝

月彩浮鸞殿砧聲隔鳳樓笙歌臨水檻紅燭乍迎秋

奇樹留寒翠神池結夕波黃山一夜雪渭水雁

集作聲

多

踏歌詞

崔液

綵女迎金屋仙姬出畫堂
鴛鴦裁錦袖翡翠帖花黃
歌舞分行豔色動流光

庭際花微落樓前漢已橫
金壺催夜盡羅袖拂寒輕
樂笑暢歡情未半著天明

同前

謝偃

春景嬌春臺新露泣新梅春葉參差吐新花重疊開花
影飛鶯去歌聲度鳥來倩看飄飄雪何如舞袖迴

逶迤度香閣顧步出蘭閨欲遶鴛鴦殿先過桃李蹊風
帶舒還卷簷花舉復低欲問今宵樂但聽歌聲齊

夜久星沈沒更深月影斜裙輕纔動佩鬟薄不勝花細
風吹寶袂輕露濕紅紗相看樂未已蘭燈照九華

同前

張說

花萼樓前雨露新長安城裏太平人龍銜火樹千燈集

作

重
豔雞踏一作蓮花萬歲春

帝宮三五戲春臺行雨流風莫妒來西域燈輪千影合

東華金闕萬重開

踏歌行

劉禹錫

春江月出大堤平堤上女郎連袂行唱盡新詞看一作歡

不見紅霞影

集作映

樹鷓鴣鳴

桃蹊柳陌好經過燈下妝成月下歌為是襄王故宮地
至今猶自細腰多

新詞宛轉遞相傳
振袖傾鬟風露前
月落烏啼雲雨散
遊童陌上拾花鈿

日暮江頭

集作南

聞竹枝南人行
樂北人悲自從雪裏唱

新曲直至三春花盡時

天長地久詞

盧綸

天長久

萬年

其和云

昌

玉砌紅花樹香風不敢吹
春光解天意偏發殿南枝

虹橋千步廊半在水中央
天子方清暑宮人重暮

集作娃起

夜妝

辭輦復當熊傾心奉上

集作六

宮君王若看貌甘在衆妃

中

雲日呈祥禮物殊北庭生獻五單于塞天

集作垣

萬里無

飛鳥可在

集作是

邊城用郅都

臺殿雲涼風日

集作深秋色

微君王初賜六宮衣樓船罷泛

集作泛罷

歸猶早行道

集作遣

才人鬪射飛

欸乃曲

元結掉船聲也

欸乃

偏

集作偶

存名跡在人間順俗與時未安閒來謁大官兼

問政扁舟却入九疑山

湘江二月春水平
滿月和風宜夜行
唱撈欲過平陽戍
守吏相呼問姓名

千里楓林烟雨深
無朝無暮有猿吟
停撈靜聽曲中意
好是雲山韶濩音

零陵郡北湘水東
浯溪形勝滿湘中
溪口石顛堪自逸
誰能相伴作漁翁

下瀧船似入深淵
上瀧船似欲昇天
瀧南始到九疑郡

應絕高人乘興船

十二月樂辭 李賀

正月

上樓迎春新春歸

一作正月上樓迎春歸

暗黃著柳宮漏遲薄薄

淡靄弄野姿寒綠幽泥

集作風

生短絲錦牀曉卧玉肌冷

露臉未開對朝暝官街柳帶不堪折早晚菖蒲勝綰結

二月

二月飲酒采桑津宜男草生蘭笑人蒲如交劍

一作紋刀風

如薰勞勞胡燕怨
酣春薇帳逗烟生
綠塵一作香
金翅
峨髻愁暮雲
香颯起舞真珠裙
津頭送別唱流水
酒客背寒南山死

三月

東方風來滿眼春
花城柳暗一作禁
愁幾一作殺
人複宮深

殿竹風起新翠舞
襟靜集作淨
如水光風轉蕙
百餘里暖

霧驅雲撲天地軍
裝宮妓掃蛾淺
搖搖錦旗夾城
暖曲

水飄香去不歸梨
花落盡成秋一作苑
苑

四月

曉涼暮涼樹如蓋千山濃綠生雲外依微香雨青氛氲

一作過清氛

膩葉蟠花照曲門金塘閒水搖碧漪老景沈重

一作帖

無驚飛隨紅殘夢暗參差

五月

雕玉押簾上

一作雕玉簾押上

輕縠籠虛門井汲鉛華水扇織

鴛鴦文回雪舞涼殿甘露洗空綠羅袖徘徊翔

一作羅綬從風

翔香汗霑寶粟

六月

裁生羅伐湘竹帔

一本無帔字

拂疎霜簟秋玉炎炎紅鏡東

方開暈如車輪上徘徊啾啾赤帝騎龍來

七月

星依雲渚冷露滴盤中圓好花生木末衰蕙愁空

一作故

園夜天如玉砌池葉極青錢僅厭舞衫薄稍知花簾寒
曉風何拂拂北斗光闌干

八月

嬬宮

一作

妾怨長夜

集作夜長

獨客夢歸家傍簷蟲緝

一作織

絲

向壁燈垂花簷外月光吐簾中

集作內

樹影斜悠悠飛露

姿點綴池中荷

九月

離宮散螢天似水竹黃池冷芙蓉死月綴金鋪光脉脉
涼苑虛庭空澹白霜花飛飛風草草翠錦濶斑滿層道
雞人罷唱曉瓏璵鴉啼金井下踈桐

十月

玉壺銀箭稍難傾
釭花夜笑凝幽明
碎霜斜舞上羅幕
燭籠兩行照飛閣
珠帷怨臥不成眠
金鳳刺衣著體寒
長著對月鬪彎環

十一月

宮城團迴凜嚴光
白天碎碎隨瓊芳
撾鍾高飲千日酒
却天凝寒作君壽
御溝泉一作水合如環
素火井溫水在何處

十二月

日脚淡光紅灑灑薄霜不銷桂枝下依稀和氣解冬嚴
已就長日辭長夜

閏月

帝重光年重時七十二候回環推天官玉琯灰剩飛今
歲何長來歲遲王母移桃獻天子義氏和氏迂龍轡

桃花行

張仁亶自朔方入朝帝宴之西苑之桃花園命李嶠等各賦絕句明日宴承慶

殿令宮中善謳者唱之樂府號桃花行

歲去無言忽顚顚時來含笑吐氛氲不能擁路迷仙客

故欲開蹊侍聖君

李嶠

綺萼成蹊遍禦芳紅英撲地滿筵香莫將秋宴傳王母

來比春華壽

集作奉

聖皇

李乂

源水叢花無數開丹跼紅萼間青梅從今結子三千歲

預喜仙游復摘來

徐彥伯

桃花灼灼有光輝無數成蹊點更飛為見芳林含笑待

遂同溫樹不言歸

蘇頌

紅萼競妍

集作然

春苑曙粉茸新向

集作吐

御筵開長年願

奉西王宴

集作母

近侍慙無東朔才

趙彥昭

蘇摩遮

張說 潑寒胡戲所歌其和聲云億歲樂

摩遮本出海西胡琉璃寶服紫髯鬚聞道皇恩遍宇宙
來時歌舞助歡娛

繡裝帕額寶花冠夷歌騎舞借人看自能激水成陰氣
不慮今年寒不寒

臘月凝陰積帝臺豪歌擊鼓送寒來油囊取得天河水
將添上壽萬年杯

寒氣宜人最可憐
故將寒水散庭前
惟願聖君無限壽
長取新年續舊年

昭成皇后帝家親
榮樂諸人不比倫
往日霜前花委地
今年雪後樹逢春

舞馬詞

張說其和聲前二曲云聖代
昇平樂後四曲云四海和平樂

萬玉朝宗鳳扆千
金率領龍媒眄鼓
凝驕蹀躞聽歌弄
影徘徊

天祿遙徵衛叔日
龍上借義和將共
兩驂爭舞來隨八

駿齊歌

綵旄八佾成行時龍五色因方屈膝銜杯赴節傾心獻
壽無疆

帝阜龍駒沛父星蘭驥子權奇騰倚驤洋應節繁驕接
迹不移

二聖先天合德羣靈率土可封擊石駉驪紫燕擬金顧
步蒼龍

聖君出震應錄神馬浮河獻圖足踏天庭鼓舞心將帝

樂跕跕

舞馬千秋萬歲樂府詞

張說

金天誕聖千秋節
玉醴還分萬壽觴
試聽紫駟歌樂府
何如騄驥舞華岡
連騫勢出魚龍變
蹀躞驕生鳥獸行
歲歲相傳指樹日
翩翩來伴慶雲翔

聖王

集作皇

至德與天齊
天馬來儀自海西
踠足齊行拜

兩膝繁驕不進蹈
千蹄髣髴奮鬣時
蹲踏鼓怒驤身忽
上躋更有銜杯終
宴曲垂頭掉尾醉
如泥

遠聽明君愛逸才
玉鞭金翅引龍媒
不因茲白人間有
定是飛黃天上来
影弄日華相照耀
噴含雲色且徘徊
莫言闕下桃花舞
別有河中蘭葉開

小曲新詞

白居易
怨並元和
中奉勅撰

霽色鮮宮殿
秋聲脆管絃
聖明千歲樂
歲歲似今年

紅裙

集作
裙

明月夜
碧殿

集作
簾

早秋時
好向昭陽宿
天涼

玉漏遲

閨怨詞

白居易

朝憎鶯百轉夜妒燕雙棲不慣經春別誰知到曉啼
珠箔籠寒月紗窗背曉燈夜來巾上淚一半是春冰
關山征戍遠閨閣別離難苦戰應顛顛寒衣不要寬

皇帝感詞

盧綸

提劍雲

集作風

雷動垂衣日月明禁花呈瑞色國老見星

精發棹魚先躍窺巢鳥不驚山呼一萬歲直入九重城

天衣

集作香

五鳳彩御馬六龍文雨露清馳道風雷翊上

軍高旂花外轉行漏樂前聞時見金鞭舉空中指瑞雲

妙算干戈止神謀宇宙清兩階文物盛七德武功成校
獵長楊苑屯軍細柳營歸來獻明主歌舞隘集作溢春城
天樂下天中雲輶儼在空鉛黃豔河漢語笑合笙鏞已
見長隨鳳仍聞不避熊君王親試舞閭闔靜無風

御定全唐詩卷二十八